

pastores, atque in populi pastorisatione progrediuntur et in alias terras croaticas post invasiones.

Populum regebant fere independenter ab episcopo secundum jus tunc vigens (ante introductionem reformationum Concilii Tridentini), ditati ad hoc cumulo jurium, privilegiorum, favorum ac gratiarum relate ad curam populi ducendam.

Ante reformationem Concilii Tridentini certo certius possident parochias formales cum sede in ipsis conventibus formatis, ac alias ab illis localiter distantes, attamen eisdem subjectas et unitas in spiritualibus et temporalibus. Et hoc systema administrationis perduravit usque ad nostra tempora.

Ulterius quaestio erit solummodo de limitibus jurisdictionis ex parte diversae auctoritatis in parochos et parochias occasione modificationum in jure religioso in genere ac ob speciales quasdam provisiones pro Bosna et Hercegovina, ratione difficilis conditionis ecclesiae bosnensis sub oppressionem othomana, pedetentim introductas.

Reformationes Concilii Tridentini et Constitutionum Apostolicarum etiam in ambitu totius provinciae Bosnae Argentinae applicatae sunt decursu saeculi XVI—XVII, sicque totum regimen pastorale ad normas juris communis ordinatum fuit. Speciales vero provisiones referebantur ad episcopi commorationem, provisionem pro ejus sustentatione, ac ad casum sedisvacantiae dioecesis, quo provincialis regularis provinciae auctoritate Vicarii Apostolici fungebatur.

Vertente saeculo XVII et ineunte XVIII Dalmatia perrexit sub Franciscanorum cura pastorali remanere. Illa jura ab immemorabili acquisita successive ab Ordinariis dioecesanis agnita fuere ac a diversis sibi succedentibus civilibus guberniis confirmata usque hodie in vigore permanent. In Slavoniae vero partibus jam vidimus, qualiter Franciscanis in illis agitationibus pro parochiis coram diversis auctoritatibus et foris solum quinque paroeciae remanserint, quibus aliae octo, in aliis regionibus croaticis sitae, adjunctae fuerunt.

Deinde introducto in Bosna et Hercegovina regimine Vicariorum Apostolicorum cum caractere episcopali prius